



明詩紀事卷二十五

貴陽陳田輯

甲籤

袁華二十四首

華字子英崑山人洪武初為蘇州訓導有耕學齋集

十二卷可傳集一卷

四庫總目明之初年作者林立華為諸家盛名所掩故  
人與詩皆不甚著實則銜華佩實具有典型非後來  
偽體所能及  
西湖竹枝集袁子英博學有奇才自幼以詩名縉紳  
間如三峯月寒木客笑丹陽湖深姑惡飛皆膾炙語  
也又如銀杏樹陰不受暑薔薇花開猶早春可稱才  
子矣  
姑蘇志子英少穎悟不羣讀書一二過輒記誦不忘  
工詩尤長於樂府與顧阿瑛友善其家所藏書畫悉  
經品題

明詩紀事卷二十五

一

續吳先賢讚子英工為詩楊廉夫為樂府有所風刺  
前代別為格惟引子英與同  
水東日記袁子英晚年惟一子生申為縣吏坐累並  
魚雁依然得往來書後常思洞庭橘詩中人寄隴頭  
梅但知抱道非貧病誰料生兒是禍胎老淚盡從枯  
眼出西風遙洒鳳凰臺  
田按子英鐵門弟子玉山遊客風華雖擅骨氣自道  
吳人若高季迪吾不敢知雲林生如靈石山中門外  
子英兼善品題書畫其道落飛泉卻於靈石山中門外  
青林生紫煙龍泓一向客張貞潤阿言米南宮有  
說倪迂似米顛跋云向客張貞潤阿言米南宮有  
潔癖書畫俱小輻近代惟倪雲林頗似之米以顛名  
余故以迂名倪今觀遺畫併及之余又檢玉筍生詩  
有云良岳恩榮兩露荒平泉銷廢子孫忙久無人下  
公庭拜賴有倪迂繼米狂倪迂之見於詩者當以二  
詩為最先矣

宿白蓮寺桂子軒分韻得月字

幽篁阿蘭若消遙謝城闕池迴白蓮風林墮青桂月語深玄



釋心清妙香發道人澹無爲悠然思超忽

### 松林高士圖

曾波蕩晴旭長松落清陰曳杖者誰子逍遙散冲襟野芳發  
幽香覽古動遐吟美人不可見相望楚江潯

### 侍御史王葆墓

有宋建皇極汴京鬱嵯峨仁化戾遐邇林林英傑多崑山雖  
僻土土風粹而和明經擢高第踵節肩相摩御史鄉先生學  
術正不頗五傳究始終備論計舛訛粵在宣和間褻然中巍  
科俄主麗水簿言事何委蛇說書輔春坊執法居諫坡從容  
答時相直氣凌太阿范公在館下詰責如切磋卒爲廊廟器  
詞源若江河高第係隨程入室非操戈宋史書列傳耿耿名

### 明詩紀事卷二十五

二

不磨世變陵谷遷百年無幾何城南新漕里荆榛埋銅駝景  
行世仰止高風激頽波門牆非有限樵牧安敢過再拜重興  
感臨風動悲歌荒苔縈斷碣太息爲摩挲

### 北山寓興

北山之中春載陽膏雨霖霖草木長谿蔬野藪青戴土老饕  
採擷充枯腸枸杞黃疑鞠菹熟萸蒿青點芹羹香步尋木雞  
竹風冷手拾菌釘松露瀼蕨拳敷腴竹萌嫩韭本豐肥同芼  
薑斃裙鵝掌俱退舍牛炙豚踈難擅場春光爛熳過三月靜  
愛幽香生野芳寒具藤花甘勝肉涼餅蓼芽圓截肪槐葉光  
浮素盃凍含桃花暎清尊涼石芥鼻觸氣辛烈金齏齒嚼聲  
宮商不蒙朱門貴介錄獨許白屋幽人嘗物無定味貴適口



冰壺先生眞欲狂李公萬羊數已定庾郎三韭貧何妨分羹  
不均御者怒染指未食天倫戕驕奢滛佚古所戒口腹累人  
良可傷山中之樂樂無央秋風又到蓴鱸鄉菊黃橘綠萸蟹  
紫桂酒新斲香滿觴菜園不愁羊蹋破便當爛醉眠糟床雖  
然此腹久負我結交歲暮毋相忘

拜石壇

眉山三蘇宋儒宗長公矯矯人中龍南遷僮耳西赤壁文章  
光燄超洪濛快哉之亭雪初霽領客登覽山川雄自云平生  
不解飲胡乃一舉觥船空和詩寬限見眞率鑿崖題石摩蒼  
穹功名富貴一邱土斷碑殘素傳無窮吁嗟異物神所衛玉  
山合璧俄相逢奎章博士丹邱翁江南放逐驚秋風見之卽

明詩紀事卷二十五

三

下米芾拜二顛癡絕將無同築壇山中加愛護樹以松桂連  
椅桐兩窗雲戶溼寒翠朝闌暮檻開青紅白野御史龍頭客  
青年獻賦蓬萊宮戲將禿穎寫螭匾斷釵折股流星虹只今  
風塵暗河嶽王侯第宅皆蒿蓬牙籤玉軸映竹素好事獨傳  
吳顧雍婁東朱珪鐵作畫字字玉屈蟠蚪蟲嗟哉昔人今已  
矣慘澹故國風煙中如何二子復嗜古策勲儒墨收奇功我  
來再拜重大息蒼蒼古雪吹長松登壇叫絕浮大白酒酣目  
送孤飛鴻

送孤飛鴻

顧瑛玉山名勝集仲瑛嘗於東城菴假山廢基得一  
石上有蘇子瞻題識石理瑩潤類璧雖傍缺損然尙  
奇甚博士柯敬仲見而奇之篆書題名後而去字曰拜  
石御史白野達兼善爲古篆書之後仲瑛偶得子  
瞻答雜揚王忠玉提刑飲快哉亭帖與石上題識相  
合仲瑛謂此石卽忠王家快哉亭物也特不知何以



至此仲瑛遂爲記其事備朱伯盛刻之他石而與河南陸仁汝南袁華各爲詩詠之

### 送印月潭歸穹窿山

春草徧南陌春潮流落紅美人婁水上一舸逐東風一舸向何處言歸故山去雉鳴苦竹岡離情黯煙樹故山穹窿高插空重湖倒浸金芙蓉縹緲寶樓林壑中晴嵐暖靄霏簾櫳三年不踟虎谿路夢禮大士青蓮宮風景既不殊山川宛如昨爲問鴟夷舟何似支硎鶴安得相從訪二公醉躡丹梯倚寥廓山崖乳竇蘭芷芳臨谿采擷煩寄將相思引領天一方載歌招隱爲報章重來握手成大笑楊柳花飛春筍長

### 送友人興化衛幕

六月入閩關榕陰夾道涼鷓鴣飛鳴苦竹岡一重一崦山蒼

### 明詩紀事卷二十五

四

蒼雲山蒼蒼馬前起南往莆田尙千里乾魚望祭武夷君考亭肅謁朱夫子九仙委蛇海上來挾以烏石何巍哉黔黎久沐常衮化野花自發閩王臺候吏立江泝小隊前負弩高城屹屹擁儲胥大府潭潭列貔虎稅駕趨蓮幕考籍閱我師時平簡書靜覽古還哦詩端明古遺直夾際富著述子孫雖爲庶遺跡猶可覓亦有護法之善神竊弄威柄痛生民忠邪同歸一坏土耿耿信史書奸臣送君莆田去興懷歌短歌登高儻有賦馳寄莫蹉跎

### 文湖州墨竹蘇文忠公題其上

清貧太守石室翁渭川千畝藏胸中理問舐筆盤礴羸兔起鶻落無留蹤兩梢晴葉各殊態揮灑位置分纖穠鍾峰隱居



撥鑑法氣韻生動將無同墨君一派來自東轍材當萃彭城  
公平生知已最親厚走書嘲戲言春容陳州官舍示長舌談  
笑化去當元豐烏乎二老不復作空瞻遺墨翻鸞龍一梁  
荷夜泊澱山湖有懷錢崖先生共蘇林士文浩麟氏且  
鼓楫淞上游落颿三泖洲對月耿不寐懷人殊未休征鴻唳  
沙磧微風生枕樓澱山青一點龍氣落船頭

送于彥成歸越中蘇湖更點應湖嶽嶺森巖巖黃巖  
楓橋明積雪曉發剡溪舟獨鶴橫江去三山接海流綠尊傾  
乳酒白髮映霜漚天姥雲門路曾同土番遊

重九秋江釣艇圖

我昔繫纜桑落洲好山無數當船頭大孤絕立小孤險江水  
遠兼湖水流扁舟老叟釣斜日斷崖古木含清秋草堂撫卷

重感慨滿眼風塵懷舊游

岳季堅王叔明梧竹堂同集時季堅將歸黃鶴山

長日圍池水竹陰臨深展席酒同斟花開薜蔔五月雪果熟  
枇杷萬樹金未覺山王稱曠達更憑顧陸寫蕭森獨憐黃鶴  
歸耕者詩酒何時再盍簪

顧玉山新成釣月磯軒

荷蓀行歌與世違鶴歸城郭是耶非種桃道士玄都觀汎月  
仙人采石磯大野龍蛇方起陸青冥鴻鵠自高飛軒前一架  
薔薇樹猶放疎花向落暉

林泉民爲張

賦



鹿豕同游說野情一屢願受作編氓窮幽擬草愚谿記養拙  
甘從甫里耕春澗蕨拳和露采秋林木耳帶霜烹淮南有客  
歌招隱莫遣兒童識姓名

憶昨 二首

交友如雲海內多豈因謗訕竟蹉跎未思張翰蓴鱸餽俄動  
田橫薜露歌萬卷空留遺一子千金散盡買雙娥柳洲東畔  
無情月還照芙蓉蘸碧波

湧金門外昔曾遊落日淒涼燕子樓紅粉不隨黃土化清歌  
還爲彩雲留愁裏簾幙雞聲曉夢隔湖江雁影秋淚落神山  
一坏土忍將麥飯洒松楸

小柳詞

明詩紀事卷二十五

六

半臂蘆花白中單杏子紅惱公何限思春水畫橋東

客吳興春日偶成

雙眉刷翠小紅娘斗酒梨花爲洗粧一曲纏頭不知數揚州  
城內善和坊

柳塘春軒口占

快雨時晴暖向微小亭簾幙護春暉麴塵波動鳧雛出金縷  
條長燕子歸

湖州竹枝詞

漚波春漲膩如油坐看青山船倒流桃花欲開杏花落打鼓  
吹笛上杭州

口占



漠漠輕風雨乍收方塘水生不膠舟慈烏將子避人去返照正在柳梢頭

西湖口占次顧仲瑛韻

乳燕初飛藕作花秋娘二八髻雙了臂鞦紅露珍珠絡疑是錢塘舊內家

西湖竹枝辭

山上有水未還家日日望斷金犢車湖陰種得宜貝草直待郎歸始作花

雲林筠石春樹圖

樹影離離岸草青汀雲漠漠遠山橫輕舟明日松陵路遙著

仙人醉玉巖

明詩紀事卷二十五 七

徐達左

達左字頁夫吳縣人洪武初用薦為建甯訓導有耕

漁集

劉鳳續吳錄徐達左詩在張徐間亦相與善其與盧熊游鄧尉山也有鉏安仲文楊本景和王謙之常者

山土音 吳縣徐良夫鼎時二百里間海內賢士大夫聞風景附一時高人勝流佚民遺老遷客寓公鎚衣黃冠與

于斯文者靡不望三家以為歸良夫輯二十年友朋傳宋牧仲撫吳謀重刻以元本於洪武乙卯歲久失

孫友竹以其家藏鈔本重刻於乾隆庚辰元季明初罕見之作賴之以傳良夫當時為風雅所歸可稱好事至今仲瑛元鎮人皆知之而良夫或不盡知也詩綜不錄良夫一篇豈非缺典余為採掇其穎出者數篇以為好事之勸云

復遊銅井山分韻得驛字

風吹慈烏翻千級人走飛



杖策循山阿峰廻溪路僻琴書左右隨舒懷渴泉石風吹落  
梅英雪委古苔迹羣蜂採餘香來往若馳驛覽物際良辰幸  
得陪三益

### 題秀野軒圖

春風十里翡翠屏玉遮對峙蛾眉青清泉白石雜花竹天放  
畫圖鍾地靈高人開軒當此景酌酒賦詩白日靜四檐風作  
翠濤聲八窗簾捲晴霞影我亦托迹耕漁間結屋讀書湖上  
山抱琴訪子從茲始布韞青鞋相往還

### 次韻

悠悠雲水客共喜出塵氛黃卷知君醉清風許我分閉門聽  
過雨倚杖看浮雲大雅遺音遠長歌屈宋文

### 明詩紀事卷二十五

八

周南 四首

南一名南老字正道吳人元季江浙行省照磨明初  
徵詣太常議禮成發臨安居住放還有姑蘇雜詠  
拙逸齋稿

西湖竹枝集周正道才性清膽刻意讀書所交皆一

田按明初高季迪有姑蘇雜詠陸子餘跋季迪詩後謂正  
道於季迪頗肆詆訾可謂不自量然正道嘗與楊鐵  
崖倪元鎮諸人遊稱爲好事元鎮每入城訪正道必  
先使人投刺正道禮遇特厚凡燕室柱礎之間先洗  
滌然後延坐故元鎮常主其家爲作著色山水李竹  
懶常見之詫爲雲嵐霞靄尤極鮮麗所寫松皆枯毫  
渴筆就意爲之而天趣溢出正道題云雲林小景着  
色者其少嘗客寒齋間作一二觀其繪染深得古法  
殊不易也元鎮畫江南人家以有無爲清俗若著色  
過甚余數錄數詩亦殊不墮惡趣也



香水溪

吳宮香水溪俗傳脂粉塘煖波浮漲膩晴渚泛紅芳美人曾  
此浴魂消水猶香可憐清冷泉照此妖冶粧只今開寶林曹  
溪源更長

吳宮怨一章錄似良夫

闔閭城上春冥冥館娃宮闕飛雲叢翠簾籠陰白日靜雕欄  
卧雨蒼苔生鳴夷一去誰能逐吳娃猶唱吳宮曲爭如事主  
不盡年于今夜夜嘯燈前

暮春有感寄良夫

竹抽新筍過苔牆濃綠陰陰暗柳塘應恨東風最狼藉吹殘  
春色惱人腸

明詩紀事卷二十五

九

西湖竹枝詞

採菱女兒新樣妝瓜皮船小水中央郎心只如菱刺短妾情  
謾比藕絲長

不靈林夫同一首

松雨蒼蒼大同字逢吉常熟人洪武中爲開封訓導有文集九

石室

一章錄似良夫

虛巖宛如室空洞神僊宅旣非巨靈剖何勞五丁鑿閉門鎖  
薜蘿寒煙縈翠幕疑通少室山或與紅塵隔具瞻同廣厦生  
民誠可託大庇安如山何愁風雨作

殷奎一首



奎字孝章一字孝伯崑山人洪武初以薦除咸陽教

諭門人私諡文懿先生有強齋集十卷

四庫總目元明之間承先儒篤實之餘風乘開國渾樸

之初運宋末江湖積習門戶流波前除已盡故發為

文章雖不華美為工以詞翰來雕章繪句乃有逕

根柢要不失為儒者之言視後來雕章繪句乃有逕

庭之別矣蘇志殷奎文章精審有法尤深於性理勤於纂述

勝者有道學統緒圖審有法尤深於性理勤於纂述

田按孝章以薦試高等將授郡縣職母老請近地忤

旨除咸陽教諭其官也王常宗贈詩年獨抱土欣

出董惟明敏袁騎入關滙用儒季迪詩年獨抱土欣

兼得觀形勝雁雲低秦壘角牛羊草沒漢陵碑宦遊

跋涉勞三千里外朔風號地連渭水秦川近山接終

莫南華高選國總消龍虎號地連渭水秦川近山接終

莫南華高選國總消龍虎號地連渭水秦川近山接終

明詩紀事卷二十五

成老翁又隨聲教向關中百年禮樂亦重見萬國車

書嘉會同泰華雲開仙掌出昆明水冷刻灰空他時

太史瞻星地應說奎光聚井東子英詩云聖代崇文

化賢良起草萊鳳鳴谷日魚躍禹門雷匠石無遺

棄洪纖在翦裁咸陽秦浦迴潁蔡宏開話別迎吾

老橫羨子才渡江津瀨蔡宏開話別迎吾

苑馮虛自吹臺汲京城吸吸良岳石巍魏躡月車鳴

鐸嘶風騎卷埃音信父訝儒服虜人猜應為青山

住知懸白日隕解鞍依近澹鄉夢馳馬斷枯葉喜風急烽煙

息愁聽驛鼓隄虎牢悲戰骨縑嶺覓仙胎岳仰嵩高

峙龍看砥柱栽山川猶鞏固風物亦奇傑雞唱函關

啟龍飛太華來碑亭矜漢好浴殿弔唐灾多土爭先

在諸生獲後陪蒞苴苴實義抑茶酒渠魁五傅遺比

設朝餘萬卷該樹萱思奉母援桂自榮迴選勝筇扶

手退觀芻不寄梅五陵還突兀入水自榮迴選勝筇扶

處茲遊實壯哉壤基留宿草斷礎長荒苔異域多與

琅雅音



涇陵

炎精八葉已中衰，千載荒陵竟屬誰。  
寢殿有垣悲躑躅，苑門無地覓罍。  
祥開沙麓溝中絕，禍變增塀土未夷。  
颯颯涼風吹客鬢，不堪興感立多時。

長陵曉望

馬上東風生曉寒，長陵高處望長安。  
邱墟散落人才盡，岡隴分崩王氣殘。  
歲祀幾朝修典制，月遊無廟著衣冠。  
山河百戰誰能主，卻屬漁翁一釣竿。

顧仲瑛淡香亭

淡香亭外花無數，盡說清明似洛中。  
西郭愛看千樹雪，東園生怕五更風。  
何郎酒怯春羅薄，荀令香薰霧縠空。  
吹遍內園

明詩紀事卷二十五

十一

天上曲坐深清夜，月朦朧

打碑二首

沁州碑石漢陵旁，地下玄龜殼也藏。  
莫怪摩挲成久立，書家知是郭謙光。

流碑亭石何年破，立馬鑄名幾字存。  
契苾墳前崖子上，家雞筆法尙堪論。

呂旭二首

旭字德昭，歙人。洪武初舉明經，授本府訓導，遷延長。

教諭有東籬吟稿

題休邑程士原率濱亭

仙翁亭子今何在，肯構憐君復舊樵。  
晴日漾波鳧對浴，涼風



吹樹烏相呼溪毛落雨青絲長石髮凝煙翠錦鋪綏策何時  
從幽討鄒筒莫惜杖頭沽

卽事 隨筆

怪柳類人懸怒瘦好花笑客遲矯容小橋路轉清溪曲水滿  
山槽確自春

曾殊朱昇古猶山水巖巖最映首嘗

一昇字彥升無錫人洪武初舉明經任本縣訓導遷上  
諭西樂虞教諭至潞潞西晉美神中人誌前志之蘇米益  
送人之安陸從軍

失意就戎行山行去路長野雲低古郢梅雨暗清湘孤劍流  
飛電雙旌捲夕陽軍門發慷慨不是歎離鄉

明詩紀事卷二十五

七

周后 一首

后字公明吉安人洪武初以薦爲訓導有溪園集

琴清軒

橋西樂幽遜虛室絕瀟灑有美軒中人抱冲志玄雅朱絃紐  
枯桐一曲美清夜風泉響初定竹露浩如瀉鶴唳碧雲端鸞  
吟秋月下古來山水操孰是知音者

山詩 陳燧 一首

燧字民初永嘉人元末福建行省員外郎明初授廣

順州訓導

寄別景大莫帶妹觀

力疾微吟昔蒼盤忽聞君已駕征鞍江湖千里去來易故舊

一樽離別難荒草馬蹏山色遠古藤松館暮陰寒錢塘風物  
歸吟稿須寄山翁洗眼看

蕭岐 一首

岐字尙仁泰和人明初以賢良徵爲潭府左長史固  
辭謫楚雄教授改平涼訓導有正固先生集

樵舍

樵舍臨江許人家水遠隄葦籬通徑小茅屋接檐低稅重魚  
難得情深酒自携維舟風色好留滯夕陽西

不效李唐 一首

大凡 唐字士宏東陽人明初金華教授有靜學齋尙綱齋  
簡友

明詩紀事卷二十五

三

簡友

一上吳甯百尺臺畫溪翠嶺如堆庭虛只放松風度簾靜  
不妨花日來林鳥近窺黃卷語野航輕載白雲迴歸轅儻與  
山人共紅葉秋深正掩苔

何彥修 一首

彥修名勛以字行新喻人洪武初國子監生授東萊

教官

題喻元凱清隱堂

秀水東邊結構幽林巒瀟灑勝滄洲花晨簾捲青山曙月夕  
琴橫碧澗秋賀監每懷湖曲隱杜陵常愛漢陂遊交情獨負  
過從約開卷題詩愧白頭



陳謨 一首

謨字秉文上虞人洪武中鎮江教官

魏仲遠竹深軒

竹近疑居僻林深覺路賒  
撲簾蒼雪墜排戶碧雲遮  
雨過琅玕潤風翻翡翠斜  
秋深喧鳥雀月色動龍蛇  
每挂仙人杖頻留逸士車  
主人今不見令我起長嗟

夏畦 一首

畦字孚中上虞人洪武中上虞訓導

賦夏蓋湖送薛將軍

大禹峰前蓋湖水三十六  
溝春正深桃花逐浪漲  
晴碧楊柳拂隄生  
晝陰臨流飲馬壯  
士志坐石觀魚幽  
客心不堪歸棹入城府  
迥首暮雲凝碧岑

明詩紀事卷二十五

古

張庸 一首

庸字熙載江陰人洪武中舉明經授本縣訓導

秋水繫舟圖

小姑山到彭郎磯  
老樹含風霜葉飛  
何人泊舟秋色裏  
釣得鱸魚三尺肥

俞韶美 一首

韶美字樵雲休甯人洪武中舉明經授黟縣訓導

和李大尹韻

積雨瀾漫漲遠天  
客窗惟覺恨綿綿  
已添野色供春望  
更漲灘聲攪夜眠  
繞屋斷雲常黯黯  
投林歸鳥自翩翩  
漁郎罷釣



纔相過爲報新潮到石田

王焜 一首

焜字伯純揚州人松江府學訓導

寄倪元鎮

赤水丹山隔兩塵麻姑書信莫辭頻久知鴻寶飛騰術獨許

青雲磊落人賓戲能消春晝永茗香聊試石泉新東風回首

毘陵道重擬携書與卜隣

周所立 一首

所立字磐谷臨江人仕陳友諒洪武中官臨江教授

朱孟震續玉筭詩談鄱湖之戰資洽通紀等書皆以爲郭興建火攻之策遂獲全勝偶觀他載記謂爲漢助者予初不謂然及觀鄱湖先達周所立先生康浪山

明詩紀事卷二十五

五

歌始知聖明之興固天所命大風揚沙實基漢業千載而下異事同符固不誣也歌云敵常脂羣張毒氣北風反火輒自焚焦頭爛額沈波裏奄忽灰飛水上軍固先生國初人所聞當不謬也廷誥出示舊作康葉廷珩鷗波漁話虞山許伯誠頭一闕詞後附記云浪山三十六忠廟調奇治鄱湖濱廟庭立明初二碑甚允長無紀律然敘鄱湖之戰視他書較詳其畧曰歲在某次帝自將伐友諒友諒傾軍迎敵陳鄱陽湖乘風縱火發漲天領敵所覆飛矢如雨得大槐蔽戰被焚死帝寤岸爲敵所覆飛矢如雨得大槐蔽身矢著於樹者無算僅而免夜半乃反風徐帝應亦至復戰友仁友貴借斃友諒欲退保鞋山至響子口中流矢死論功贈三十八人皆將軍立廟康郎山槐亦授大將軍號云披明史禮本紀未言友諒略之織翁所說南碑可補史文之闕也



哭定住

綠錦池頭舊史君近傳消息不堪聞的盧竟死檀溪險鸚鵡  
翻成鄂土墳蒿葉蕭條生夜月棠陰迢遞起秋雲陳琳老大  
頭如雪無復軍前草檄文

林伯璟

一首

伯璟字懷之閩縣人洪武中鄉貢爲郡學訓導有友

漁集

爲張文初題畫贈洽公

禪翁安禪不出山畫史爲畫山中閒寒月高懸碧蘿幌曉雲  
深護青松關寶地樂聲聞澗底梵天香氣識林端定回幽壑  
猿叫斷食邊絕鷺鳥飛還蓋頭把茆亦自好棲身斗笏尙其  
煩貫休能詩誇字內文暢得序傳人間新圖摩挲重歎息舊  
徑髣髴窮躋攀聽師揮塵說善果使我拂衷解塵寰

明詩紀事卷二十五

六

爲張文初題畫贈洽公

漁集

伯璟字懷之閩縣人洪武中鄉貢爲郡學訓導有友

林伯璟

一首

伯璟字懷之閩縣人洪武中鄉貢爲郡學訓導有友

伯璟字懷之閩縣人洪武中鄉貢爲郡學訓導有友

哭定住



明詩紀事卷二十六

貴陽陳田輯

張著

著字則明浙江平陽人徙居常熟洪武庚戌舉人授

膚施知縣遷臨江同知有永嘉集十二卷

田按列朝詩集明詩綜稱則明永嘉人余藏永嘉集

十二卷首有廬陵周集永嘉先生傳云則明自號永

嘉子人稱永嘉先生世居溫之平陽至正間遊學未

見斯集故誤稱永嘉人也則明知膚施以文事見稱

公暇與同年金文徵黃廷玉唱和有長安唱和詩集

家罕見之笈也

明詩紀事卷二十六

一

三川險隘地咫尺分水陸昔聞漲波濤奔騰來百谷杜陵野

老翁適見駭心目坐看吞兩崖形勢益窮蹙居民徙窟巢川

脈失委曲彭撞動雲根大石亂顛踣路沒隔農樵林暝竄麋

鹿瀕匯何深雄下流乃壅塞疏鑿無由施束趨苦不速巨浸

竟崇朝清源變污瀆雷雨仍晦暝天地豈翻覆蛟龍相怒爭

觸鬪角尾秃穹祇胡怠玩弗卽幹關軸黔黎雜蛙鼃不得安

食宿翁時厄途窮遭此吞聲哭陽光未發舒陰翳正含蓄水

怪挾天吳鼓舞恣驕黷巨靈那有神是物盡拘束鍊石補漏

天立極斷鰲足寔區遂底宵舟馭罔踣踟誰知一氣機周運

有盈縮只今川水消曾不及牛腹我歌少陵詩思渺青冥鵠



神仙王子晉昔師浮邱公揮劍斷親愛化形辭後宮金丹換  
毛骨直上蓬萊峯一去苟泯迹無乃與死同所以騎白鶴歸  
集縱山東家人下盈矚吹笙五雲中迢迢千載後令人仰高  
風我行經故墟感慨追遺蹤空餘埋劍冢石刻摧蒿蓬碧桃  
如可醉脫屣遙相從

與李克敏陸子善分題雪井

乾元古僊宮迴出虞山半旭日開玄門飛霞集樓觀中有寒  
碧螯下浸雲根斷寒泉出太陰轆轤轉雲漢時聞百尺聲徧  
沃衆眞盟伊昔徐神翁始結狻鶴伴卓劍呼六丁鑿此石崖  
畔翁乘白雲去千載付清訖至今潔不食使我發浩嘆乞君  
馬上瓢急濟東海早

明詩紀事卷二十六

二

繆使君之嘉興貳守賦去思詩分題得仙姑洞

六鼇頓輿海神泣虞山舉元海西立六丁鑿翠深玲瓏三十  
六天通出入冰簾壓雲蒼玉扉瑤階夜溼青琉璃洞房背立  
玉窈窕東風吹冷芙蓉衣崑崙月落蓬萊曉金雞夢斷西飛  
鳥桃花一夜滿天台劉郎不歸春悄悄五雲閣西十二樓遠  
山翠結天上愁美人娟娟何處所白蘋歌斷南湖洲相思相  
見苦不早白石如糜天地老

送碧泉石道士住持吳興玄妙觀

太湖三萬六千頃湖陰倒浸羣山影何人宴坐水晶宮日對  
湖山適酣詠風流別駕如神仙樓居縹緲凌紫煙海虞仙侶  
惜別久思往見之心悄悄山人苦留不肯任鶴背吹笙過湖



去霞衣光曳五色雲綸巾倒挂三花樹侯亦念君久不來琳  
宮瑤席爲君開相逢一笑清虛境回首海上無蓬萊我今攀  
隨不可得酒醒山空重相憶明年三月定尋君洞口桃花春  
一色

龍山歌送卜子敬之無錫幕長

九龍之山青如藍羣峯卓絕天西南十年秀色煙塵裏丹崖  
翠壁空嘒巖山中煮茶舊仙客茶煙久冷松下石雲根野火  
焚斷碑誰埽蒼苔覓陳迹第二泉頭亭不孤亭上李紳讀書  
之故廬松蘿煙雨鬢巖戶林扉陰磴今有無城門西路平如  
掌青鞋布韞足來往盡收邱壑入胸中更挹朝來氣蕭爽芙  
蓉幕下肯事間吳松素練開秋寒丹青點染分毫末爲我貌  
出諸林巒西巒著高東巒小樓閣參差出林杪隔溪寫君吏  
隱居相對茆堂青未了畫成好寄滄江濱使我見圖如見君  
日日爲君歌白雲

江南曲

江南三月春水長葡萄潑醉春正香畫船載酒看春去船頭  
驚起雙鴛鴦鴛鴦雙飛過江去江花如雪接江樹吳姬歌斷  
望欲迷不知今夜棲何處夜深酒醒江月寒憶君西塞何當  
還春眉淡畫江南山

奉和金別駕見寄韻

谷口歸耕去吾慚鄭子眞天涯愁獨客年老惜餘春塵土青  
衫舊雲沙白髮新多情金別駕應是可憐人



次李克敏節判見寄韻

我識淮南李謫仙，亂離相憶又經年。  
樓船夜夢橫江去，草閣春寒聽雨眠。  
看鏡自應悲白髮，把杯誰與問青天。  
多情昨夜傳消息，許寄新詩一百篇。

開正次韻送彭貳令

三月祁連山下路，客愁暫破少人知。  
草經夜雨迴芽短，花苦春寒着蕊遲。  
銀鑿絡繹誰送酒，玉筴揮墨自題詩。  
相從不久還相別，明日思君意轉悲。

下章呈李別駕  
天門丹詔頒新澤，同下襄陽取道來。  
西北關山秦塞遠，東南煙浪楚帆開。  
秋風白髮烏紗帽，九日黃花綠酒杯。  
此別憶君滄海上，五雲樓閣倚蓬萊。

明詩紀事卷二十六

四

題陸子善所藏畫

千章綠樹濃欲暝，萬壑頽雲溼不流。  
昨夜溪南春雨過，桃花無處覓漁舟。

題折枝竹

鳳尾蕭蕭野露涼，天風吹影落瀟湘。  
玉簫聲斷秋如洗，自掃閑雲過石床。

題陸子善便面百韻

蹇驢策策逐金鞍，夾道松陰白日寒。  
誰向朝川煙雨外，盡將情思寫霜紈。

題挾彈圖

錦袍白馬照青莎手撚金丸意若何莫把流鶯驚起去江南  
春樹苦無多

春江回棹送淞江宣使鄧和卿

飛花冉冉柳毵毵歌斷沙頭酒半酣明日倚篷煙雨外青山  
多在淞江南

出延安南關

向年躍馬入南關策策羸驂此日還行過江南莫回首塞雲  
深處萬重山

甘泉縣

甘泉道傍客舍低甘泉城下行人稀蹇驢華髮烏延客獨在  
江南最後歸

過渭河

西來鳥鼠出咸陽東入黃河去渺茫流盡秦宮脂水氣餘波  
猶蕩野鴛鴦

過鵝嶺關

綠氏山東擁翠屏石門天削倚蒼冥崧陽明日重回首三十  
六峯雲外青

發南康

五老峯前宿雨晴青天影落碧波明孤帆趁得西風便自在  
江山畫裏行

陳伯康八首

伯康字仲進長樂人洪武中授宜陽丞改韓城遷江



山知縣有南雅集

田按仲進知江山縣有循聲與弟仲完均以詩名仲進詩尤清勁

登三水釣鼇臺

高哉釣鼇臺，築立幾百尺。秋風一登臨，浩蕩望不極。吾聞蘇老澗，乃是任公匹。投竿江海濱，長嘯穹宇窄。古篆今莓苔，佳句餘金石。歲月驚逝波，山川付陳迹。牧童暮敲火，樵子曉吹笛。杖藜重夷猶，把酒緬疇昔。商歌振雲林，天空露華白。

秋江送別圖

江河望在眼，關山渺難越。客子遲歸期，孤權已先發。秋水木葉丹，露夕芳草歇。美人勞我思，迢迢煙水澗。

寄遜齋陳景明兼柬東園陳景獻

明詩紀事卷二十六

六

君家古清友，携共阿戎遊。遠道隔千里，別懷長九秋。故交如夢覺，往事付雲浮。最憶東園老，相思成白頭。

遊湧泉寺訪僧不值

萬石岡頭紫翠圍，白雲流水護柴扉。石爐火冷僧初定，野徑苔荒客到稀。遶砌山泉浮澗澗，隔江雲樹入霏微。我來豈是參禪者，笑倚長松看鶴飛。

過嘉興嘉禾驛

秀州城下水，平河桑繞長。隄麥覆坡義，士不聞傳樵。李居人猶見，食嘉禾且須。鸚鵡杯中物，莫逐鴛鴦湖上波。一笑吳歛挂帆去，滿天風雪奈儂何。

立夏喜晴



賸雨殘春送五更晴光入夏似相迎綠槐門巷南薰細又聽  
新蟬第一聲

重過草亭

池上柳枝新種得絲絲金縷曳春暉樂天老去風流減懶看  
飛花上舞衣

過洛陽

甲馬營中紫氣消銅駝巷陌草蕭蕭何人共看天津月杜宇  
無聲夜寂寥

劉駟一首

駟字宗道龍谿人洪武十五年以秀才徵試第一拜  
都御史後坐事徙滇有愛禮先生集十卷

明詩紀事卷二十六

七

梁章鉅東南嶠外詩話劉宗道自號梅柅子愛禮集  
中有澄心一絕云一鑑方塘本自明無端潢潦聽縱  
橫日來惟賴投膠力坐見寒光徹底清置之南宋諸  
儒集中幾無以辨

題雲林遊逸圖

雲兮深深林兮陰陰彼君子兮以遊以吟坐以澄心行以攜  
琴誰與談兮傷古嗟今

鄭沂一首

沂字叔魯浦江人洪武末以人材徵授禮部尙書

題畫圖

杜陵西上浣花莊茅屋低低怪石傍最是可人三月節一山  
風雨茯苓香

李勝原一首

李勝原字真補次入夏心林也綠林門巷南薰細又聽



勝原字源澤當塗人有盤谷遺稿

田按盤谷稿著錄於明史藝文志罕見傳本余從曹石倉歷代詩選錄詩一首如隔竹間飛瀑隨風看落花野色帶煙迷雁渚檣聲搖月出龍灣亦佳句也

寶應卽景

宿鷺眠鷗水滿田敗荷疏柳雨晴天帘招村市誰家酒風送

帆檣何處船隔岸數聲牛背笛斜陽一秣渡頭煙滄洲風景

那須畫著我居閒樂事便

王時保一首

時保字雪軒樂安人洪武中以薦歷刑部主事謫雲

南尋召還除本縣教諭有天涯芳草集

湖口縣

明詩紀事卷二十六

八

青山一簇幾人家簾捲湖光日未斜好是客船來泊處一行

官柳暗平沙

鄒說一首

五說字習之新淦人有竹莊集

田按習之詩見查夏重西江志不詳其出處有和曾得之侍郎喜雨詩蓋明初人也詩格老成選家均未

之錄亟補之

述何思恭歸高安

憶昔州城築盛日雕楹繡戶絢金碧買地爭移洛苑花分賞

更致平泉石青春冠蓋會雲萍拋鐘考鼓紛相迎豪士居間

推郭解貴遊虛左禮侯嬴芳年意氣稱賢掾千金一諾同高

宴醉後從教吐錦茵詩成乞與題歌扇風塵回首豈堪論臺

沒池湮不復存抔土何曾收俠骨一尊誰與酬英魂廿載間  
關幾人在逆旅重逢增感慨夜雨偏令白髮生秋風解使朱  
顏改明朝買棹湄湘濱布衣歸卧錦江雲爲言莫狎煙波客  
恐有羊裘垂釣人

富禮 二首

禮洪武中廣西按察僉事

藤江諸勝 二首

峽口漲晴嵐秀色渥如赭天寒山鳥啼月白林猿下仙人讀  
書臺石磴哀湍瀉

江流島嶼孤亭亭聳高髻螺堆晚煙濃翠滑春雲細徘徊顧  
清影澄江去無際

明詩紀事卷二十六

九



明詩紀事卷二十七

趙師範里麻... 貴陽陳田輯

貧因... 田籤

劉珉 七首

珉字孟藻青田人誠意伯基子洪武中授考功監丞

為吳青 試監察御史出為江西參政為胡惟庸所脅墮井死

希山 有自怡集一卷

四庫總目劉珉自怡集五言古體詞旨高雅運思深摯殆於駕兩宋而上之以繼稗眉諸集可謂不愧其父

與不... 田按潛溪有仲珩珩眉有孟藻真不愧王謝家兒仲

珩集不傳自怡集得表章於 四庫宏開之日幸矣

綠泉 遣興 三首

明詩紀事卷二十七

綠鳧水中遊白鶴雲間飛霄漢有修程焉能顧卑微浩蕩展

羽翰崑邱以為期鵬鸚趨下風罵羅絕張施倏忽萬里餘摧

顏不知歸空林有故巢繁霜日霏霏孤雌哺黃口啁晰將疇

依豈如戲蘋藻雙栖在漣漪

希仙屏紛雜遺榮處幽閑靈玄固重局鼎爐合神丹灑露以

為漿青松以為餐道積時亦久丰姿變蒼顏玄功一朝成飄

然出塵寰螭龍將輅車鸞鶴承珮環傲晚太霞表望望不可

攀仙山有真藥何用思人間

食肉有不甘茹茶乃如薺馴馬抱隱憂韋布顏無泚寸丹既

融通萬里諒昭洗衰榮各有定何必榮爾爾挑燈讀我書文

字浩無浚白首窮一經得祿未足喜捨己以從人圍廬任荆



杞憂思不成眠歎息增徒倚

秋日旅懷

秋氣生白虹秋聲入高樹離離星漢明杳杳孤鳥度夜坐不  
覺久逍遙散余步鬢毛動淒風羅裳怯零露寒陰日已浸芳  
歲聿云暮瞻言思我鄉誰與將尺素

白楊河

白楊河下春水碧白楊河邊多估客東風二月柳條新卻念  
行人千里隔岸上居人纔數家茅茨深處見桃花小婦河邊  
汲新水老翁門外看雛鴉桑苗未青麥苗綠牛羊散落村墟  
牧行客年年任往來居人自佳楊河曲

自武林至丁郭舟中雜興

明詩紀事卷二十七

二

重到昔遊地茫然或去途高原深蔓草沃野浸平湖水濶蛟  
蚪橫山空鳥雀呼淒涼今古意落日岸帆孤

錢塘遣懷

江風吹浪雨冥冥雲暗春山霧壓城箭鏃不隨錢氏化黍苗  
還向宋陵生海門潮擊千年恨漁浦帆開萬里情昔日繁華  
總殂謝蒼茫流水亂蛙鳴

郭鈺

鈺字景南濠人營國公英子

田按營國子孫最名風雅景南詩清通絕俗純綺中  
乃有如此標致

對雨有懷方內翰

小齋頗幽僻窗扉亦宏敞新槐檐上綠細草階下長輕絜散



煩溽覃葛生清爽寂無人事喧但愛雨聲響涼颯蕭瑟動薄  
靄生莽蒼緬思同心人吟懷共清賞

五期胡祭酒不至

空齋坐日夕有懷期不來庭樹葉頻下閉門風自開朱絲靜  
逸響綠蟻浮深杯幽思益填積悵然難獨裁

禪登王澤六首

廷良之澤字叔潤天台人僑寓山陰洪武中官華亭縣丞有

辭贈青霞集

榮何文列朝詩集叔潤嘗為華亭縣丞全室泐公有送王叔潤詩云平涼來又去官滿復之官則叔潤任平涼非

天淵閣松華亭

猷案趙松雪八駿圖

明詩紀事卷二十七

三

趙家王孫擅好書更復畫馬如江都嘗從玉堂罷春直慣寫  
天馬隨監奴馬來西宛龍八尺勢或怒驚如鵠立似疑初浴  
滎河波身上龍紋五花溼王孫寫駿不寫形運思已入天機  
精都將臨池古書法落筆一掃千人驚今逢此圖乃八疋老  
我見之唯歎息人間駑馬漫紛紜天上龍文誰購得憶昨入  
駿登瑤池崑崙萬里天西陲風行電邁景恍惚翠蕤不動天  
王旗古來八駿雖已矣房星在天還不死雄姿伏櫪世豈無  
胡乃惟稱穆天子賦不來與胡祭酒不問門風自問未詳

姑蘇感事二首

百土河山已失扇孤城獨戰血魂腥覆蕉鹿在宵非夢篝火  
狐鳴竟不靈既與群雄爭帝鼎忍隨降虜到皇廷致身早得



歸麟閣應共長驅下建瓴

天星夜落水犀軍又見吳宮走鹿群睥睨金湯徒自固倉皇

玉石竟俱焚將軍只合田橫死國士宵無豫讓存風雨明年

寒食節麥孟誰上太妃墳

歸田詩話吳元年國兵圍姑蘇臨危張士誠聚其族  
齊雲樓舉火焚之縊不死就擒王叔問有詩哀之先  
伯亦有絕句云虎門龍爭旣不能雞鳴狗盜亦何曾  
陳平韓信皆歸漢只欠彭城老范增蓋張羅亦有浙  
西富饒地而好養生凡不得志於前蓋張羅亦有浙  
美官豐祿富貴赫然有為北樂府譏之云卑羅兒是  
緊札梢頭戴方檐帽穿領闊袖衫坐箇四人轎又是  
張吳王米蟲兒來到了詩意有所謂也  
田接江南歲歲烽煙起海上年徇酒來如此烽煙  
而此酒老夫懷抱幾時開此楊廉夫不屬於張士誠  
箇曹騰醉也士誠滅後姑蘇感事之作叔潤二詩最爲  
敗而作也

明詩紀事卷二十七 四

膾炙人口杜東原耕餘錄姜明叔墨餘錢鏞蔣一葵  
堯山堂外紀瞿宗吉歸田詩話皆紀之余檢高季迪  
青邨集有吳城感舊詩云城苑秋風蔓草深豪華都  
向此銷沈趙佗空有稱尊計劉表初無弭亂心半回  
危樓俄縱火陰年高臨瀛藏廢過蘇一夢誰能問夜  
首樓山落日陰年高臨瀛藏廢過蘇一夢誰能問夜  
臺下垂楊柳曾爲張王護禁城今日淡煙芳草裏暮  
蟬猶作管絃聲滿地寒風滿面塵荒煙白草舊通津  
晏安醜毒俱亡國可但西施誤人虎邱山鳴下月朦  
雲間闔門動地風所知烏江拔劍更一闌疑誰言碧  
朝蛟手也學臨春井底冤謝一淮夷著柘黃來作豹  
云大邦無善道西顧郡第一淮夷著柘黃來作豹  
窟交鄰善道西顧郡第一淮夷著柘黃來作豹  
積非無船奉漢天恩滿挂席包藏狼子心覆金日  
測臺閣重臣忍爲臯食井甃自尊大出復警  
蹕愛弟日寵驕開府門列戟提兵幾百萬勢熱手可  
炙甲第連雲開府門列戟提兵幾百萬勢熱手可  
天風疾  
風帆開  
績鄰兵賈餘勇一舉數州得羣兇納降去斂戍獨堅



壁奈何圍數重樓櫓比如櫛砲車拂雲漢晝夜飛霹  
靂龍弟既蓋粉左右皆股栗閉關甫期月而多戮  
力南濠百花洲流血水盡赤開關不知豕突猶親  
色蔬茹猶八珍骸骨爨下析泉叛已不知豕突猶親  
出前徒忽投戈回騎不數匹一炬齊雲樓紅粉隨煙  
滅縛虎送臺城咆哮氣亦已極雕牆底滅亡事理信倉  
猝衡若十五載貴富亦已極雕牆底滅亡事理信倉  
忒傷夜月人歌黃茶葉秋風郭水茫茫混張氏詩醉  
客傷夜月人歌黃茶葉秋風郭水茫茫混張氏詩醉  
歸真主井底蛙猶笑子陽天下車書今混張氏詩醉  
長淮千里陣雲平萬騎原公謹不信玉堂春醉  
理倚關晴日喚流鶯偃月堂高壘紫煙夜闌笙火正  
薰天如何斥地連吳楚葬骨都無半壟田劉三吾姑  
蘇卽事詩貝廷珺姑蘇詩別見十二卷六卷

高宗所書絹素杜詩

江頭宮殿日遲遲朝退千官默坐時春盡龍沙無雁過書縑

只寫少陵詩

明詩紀事卷二十七

五

李太白小像

春殿龍香試綵毫詩成奪得錦龍袍歸來笑擁如花妓卧看  
薔薇月上高

題畫

茂陵帝子好神仙別起高樓入半天望斷巢笙空外下海山

珠樹没秋煙

王旬一首

旬字子宣

宮詞

南風吹斷采蓮歌夜雨新添太液波水殿雲廊三十六不知

何處晚涼多 晚涼一作月明



七修類稿國初王旬作宮詞仁和解元俞友仁見而  
悅曰此其得意句遂以妹妻之此與宋趙德麟二十  
八字詩句事意俱同也  
靜志居詩話高季廸以詩得妻王子宣亦以詩得妻  
子宣宮詞諸家多誤作王叔明詩考凌彥珩柘軒集  
有悼王叔明室張氏詩云結髮爲夫婦齊眉若主賓  
山同黃鶴隱書逼彩鸞真蘭樹人皆羨張繫爾獨親  
情傷坦腹者臨穴重沾巾則叔明娶於張非俞也故  
定以爲子宣作

### 戈鎬 二首

鎬字仲京鎮江人洪武初徵授禮部主事有鳳臺集

田按仲京詩濃縵中有清氣與專事塗澤者自別

### 淶水詞

紅船壓秋綠水澁藕根香昨夜龍沙月鴛鴦夢薄霜秋彎掃  
蛾翠生色染絲黃爲報淶陽客行雲不下堂

### 明詩紀事卷二十七

六

### 寄劉彥炳

征旆遙分苑路西馬蹏春去弋陽溪相思欲和烏嘯曲一拂

### 瑤弦意總迷

俞貞木 六首

貞木初名楨以字行更字有立吳人洪武初以薦知

樂昌縣改都昌有立齋集

姑蘇志貞木爲人清苦敦行古道作官務崇禮化有  
古循吏風晚歲益勵清節或炊爨不繼未嘗有所于  
請人尤難之郡字姚善延以訓子爲鄉人所誦逮詣  
京師卒  
田按貞木有集朱竹垞嘗見之於王山人翊書齋後  
訪之藏書家不復得余從席珩湖山靈秀集錄詩六  
首風骨高秀超然埃壘之表正與雅道清標互相映

### 題畫 二首



澄江積雨霽蒼茫澹秋色兼葭映洲渚煙消水光白瀟舟日  
夕歸卻載幅巾客扣舷歌滄浪月上楚天碧

青山映嘉木煙光涵碧虛偶來憩石上綠陰落衣裾流水屢  
曲折飛雲還卷舒凝望不可極佳趣與道俱

寓包山精舍

精舍包山側緣厓曲路微到池雲弄影入戶月流輝煙靄青  
蘿屋山圍白板扉松杉寒愈秀猿鳥靜相依境勝忻神適情  
忘與世違莫爲簪紱累期與爾同歸

太常高先生與僕別久矣音問不通者餘三十年喜聞  
還朝入翰林升太常身登青雲每垂念故舊觀其贈  
孟敷之什眷眷而不相棄雅度如此可得乎孟敷俾

明詩紀事卷二十七

七

余次韻喜公之情懷意氣勉用韻以寫我心

太常列仙侶職優遂初心置身清切地思遠豁塵襟相違三  
十載媿我雪盈簪雲泥渺相望一升復一沈自憐老疾并昏  
眊非所任林卧咏太平時時自哦吟賴有同里士乘閒每過  
臨

送顏新民之京師

好雨初晴春水生江邊送客上神京沙鷗白白迎人去官柳  
青青拂棹輕離燭已殘猶惜別深杯欲盡若爲情此行若寄  
平安字此聽重沾雨露恩

題倪雲林畫

栖神山下玄元館華表巍然鶴未歸寂寂小亭人不見夕陽



雲影共依依

薛倫一首

倫字叔道如皋人洪武中舉賢良方正除萬安縣丞

有詩文集十卷

靜軒夜坐

寒路下高空夜氣森泱泱犬吠一村靜蟲鳴四壁響美人殊

不來明月秋林上人

朱熙一首

熙松江華亭人明初廣西行省郎中

詩名為玉峰顧仲瑛社長

玉山草堂

明詩紀事卷二十七

八

玉山主人清且妍標格傲傲人中仙對花時復得詩句愛客

每能揮酒錢寒燈巢雪歌煖響春水桃源放畫船我將載酒

卽相覓與爾醉倒薰風前

李伯震一首

伯震德慶人靖江相質子洪武初舉懷才抱德科授

容縣知縣改知大興遷光祿寺丞有巢翠集美人

田按李文彬弟文昭子伯震皆能詩世稱三李伯震

月夜過湖云大姑羅襪江花綉五老香爐石鼎寒亦

佳句也

蒼龍垂雨影矜矜鳳尾參差溼翠嵐憶昔黃陵祠下路烏啼

三月過湖南



徐濟 三首

濟字彥威吳人洪武中以薦知邵武府改興化降開

平生香封同知有樂餘集

田按彥威徐良夫之姪自號樵蘇子好事亞於良夫棄官後畜鶴二鹿一燕坐則鶴舞其前徐步則鹿從其後人望之若仙然乾隆中覆刻良夫金蘭集并輯其家世投贈之作爲金蘭續集彥威作亦附見焉詩較良夫差江

拙齋

生平厭機巧一拙能獨守雲山屋西東桑柘屋前後略似愚

溪愚還同柳州柳

題秀野軒圖

千巖萬壑中一徑礪西通塵跡無由到風光自不同竹侵書

明詩紀事卷二十七

九

幌綠花映酒樽紅若問桃源路無須覓舊蹤

自題寫蘭

二十五年春夢殘對花無語獨凭欄幽香素豔無人管讀罷

離騷強自看

吳昊 一首

昊字彥欽天台人洪武庚戌舉人官朔州衛知事

田按彥欽桐柏一章係和徐大章作風格頗不相下惜詩不多見

桐柏

田按彥欽桐柏一章係和徐大章作風格頗不相下惜詩不多見

平生看山愛桐柏有山如姐此爲名山九峯雙闕迢遞起秀色

可掬煙霞間樓閣崔嵬迴相向桃花洞門深不闢葛僊一住

幾千載闔此日月雙轉環鶴背笙簫振寥廓遺音往往聞林



端西崖有井數百，似丹光靈彩。浮朱陰昨夜，長松發天籟。似  
驚遺珮聲，珊珊蓬萊咫。尺原易到，獨愁蹤迹迷榛菅。此來暫  
欲須大藥服之，駐我將衰顏。山中羽客吾宗秀，相與携手超  
塵寰。竹房宴坐已半月，笑歌頓覺忘憂艱。手招喬盈非不好，  
但恐泉石緣猶慳。芝草琅玕隔雲圃，小橋流水空潺湲。摩讀  
古碑視往事，章殘字缺苔斑斑。臨風徙倚獨回首，惟見絕壁  
青巔。阮武陵從來憩漁釣，曼倩自足追仙班。他年雙成有消  
息，吾其抱琴來往還。

許敬軒一首

敬軒字南湖，天台人。洪武中貢入太學，官汀州知府。

回雁圖

明詩紀事卷二十七

十

數聲嘹唳落滄洲，驚起瀟湘一片秋。莫向城頭高處唳，思鄉  
人倚夕陽樓。

程袞一首

袞字補之，休甯人。洪武中舉孝廉，授樂靖主簿。

謁族祖墓

名都山水冠東南，山削瓊簪水潑藍。亂後松楸曾有幾，葬來  
甲子已逾三。苔封祕閣新題碣，竹護空林舊結庵。纖雨疏風  
寒食節，梨花如霰柳毵毵。

程彌壽一首

彌壽字德堅，祁門人。明初從下江西有功，授行樞密。

分院都事，有仁山遺藁。



寄錢公濬

小樓獨倚聽潺湲  
林下陰濃白晝閒  
他日共君何處飲  
舉杯相對九華山

王興一首

興字文啟黃巖人  
洪武初濟南經歷

松雪軒爲海昌尤帥賦

元戎高致愛林邱  
背郭臨江卜築幽  
青松繞屋作人立  
白雲滿山如水流  
漫有琴樽來好客  
可無簡策伴清秋  
居官何似居閒好  
我亦誅茅碧海頭

陳雷一首

雷字公聲嘉興人  
參軍秀民子  
洪武初薦授山西布

政司經歷有竄庵集

二十七

自城東復返感化舊居留別徐德厚

孤雲無定水悠悠  
又復攜書返舊邱  
橡栗樹空猿叫夜  
蒹葭霜冷雁知秋  
懶梳白髮頻搔首  
笑對青山獨倚樓  
暇日清遊可乘興  
到門題鳳亦風流

鄭洪一首

洪字君舉永嘉人有集

周元初來鶴詩

綠章朝帝駕雲車  
白鶴從天下  
玉除赤壁已無身後夢  
丹邱應有寄來書  
五鬢松陰秋落落  
三花樹影夜疏疏  
琴心三疊蓬萊淺  
兩翼罡風響佩琚



林旅 一首

旅字汝衆長樂人洪武中用薦爲兵部員外

遊雙澗菴

翠壁晴嵐曉氣澄  
臨川高閣白雲層  
天涯尊酒何人醉  
世外名山此日登  
好鳥迎春偏勸客  
空林向晚不逢僧  
扁舟要覓漁郎去  
誰道桃源隔武陵

明詩紀事卷二十七

七

游雙澗菴

日出山頭日登嶺  
鳥鳴林樾響  
空林向晚不逢僧  
翠壁晴嵐曉氣澄  
臨川高閣白雲層  
天涯尊酒何人醉  
世外名山此日登  
好鳥迎春偏勸客  
空林向晚不逢僧  
扁舟要覓漁郎去  
誰道桃源隔武陵

遊雙澗菴

旅字汝衆長樂人洪武中用薦爲兵部員外

林旅 一首



明詩紀事卷二十八

貴陽陳田輯

甲籤

李延興 二十七首

延興字繼本東安人占籍北平元進士授太常奉禮

兼翰林檢討洪武初屬典邑校有一山集九卷

靜志居詩話一山北方之學者其詩文頗拔俗長歌

尤擅場洪武中雖未仕於朝集有與友人書云從東

安丞李遂招致親夏楚事未幾逼為訓導又有移教

房山留別雄縣周尹詩又洪武縣學記云延興與以

勸才代置學職又自敘者屢矣故自贊畫像有云雖

攝其鄉學則其典邑校者屢矣故自贊畫像有云雖

軒冕猶泥塗然一山本元進士而上總戎詩則曰大

將軍出沙漠萬里河山盡開拓獲其名王歸四面凱

聲作功成獻俘蒲萄宮天清日白開鴻濛遂使樓煩

松下鼓琴圖

幽崖何蒼蒼長松在高岑月出屋東頭微雲生夕陰道人眉

宇靜松間調素琴商聲泛林莽流水為知音我欲往聽之青

山白雲深

墨竹

近時海內稱畫竹息齋筆意何突兀蒼然寫此風露枝墨花

落紙秋萬斛怪處不減文湖州展玩晴窗醒心目竹邊巒石

更坡陀便似着身遊嶰谷青谿過雨山霧寒白月出林煙水  
綠葛陂老龍頭角禿夜嘯雲氣黑如沐白晝慘慄炎歊收展  
書宜趁清陰讀我有竹林漢水西兒時學種如種玉春翠森  
森抽細筍風碧娟娟散幽馥有客清似王子猷拄杖敲門往  
來熟欲歸料理不可得夢遶江村白沙曲安得大絹長丈餘  
請君爲我作橫幅寫我只作六逸儔掛在秋風江上之小樓

### 黃崖寺

黃崖秀絕不可畫山際飛雲如走馬東來無此好雲林況逢  
野衲同清話茶煙侵午客題詩松籟吹涼僧結夏人間塵土  
誠污人何時息影禪林下

### 度居庸

#### 明詩紀事卷二十八

二

歲莫矣風淒淒車中行客胡不歸一車南一車北南來北去  
何時息車行欲近關上頭鞭牛不前吁可愁須臾摧挽在平  
地車中兒女歡且謳短褐蕭蕭風雪裏山徑荒寒多虎兕呼  
兒取火供晚炊瓦鐺黍米和沙煮黃昏露宿官道邊茅店雞  
鳴載行李殷勤起謝車中人萬嶺千山多苦辛嚴風吹霜皮  
肉死一身只有筋骨存安得筋骨化爲山下土填卻千山萬  
山無險阻盡使行人免愁苦

### 福源精舍

京城六月日如火風軒散髮執書坐頓嫌城市多煩囂欲買  
田廬何處可素几茶甌吹碧香有客敲扉偶相過爲言越中  
好山水厥土膏腴不偏頗魏氏之子文貞孫玉樹臨風色嗟



璫讀書澗水之東頭  
蒐今據古以自課  
夏蓋湖光白湧雲  
福祈山氣青浮座  
三江帆上暮天長  
八月潮平秋水大  
亭邊獼猴長如人  
月黑林昏盜山果  
桃源人家疑此是  
洞口雲深晝無瑣  
百壺滿醉江南春  
擊缶高歌兒子和  
西蜀少陵恒苦吟  
南陽武侯尙高卧  
文貞昔在貞觀中  
大節堂堂不終挫  
好將舊學佐朝堂  
行見英風振頑懦  
索居何日賦歸來  
盡理遺書載輕舸  
我昔耕牧峴山陽  
門前水田足杭糯  
十年道阻不可歸  
江上秋風茅屋破  
舊栽松柏定成林  
石牆竹梢添幾箇  
向來者舊安穩無  
每一思之淚交墮  
福源林壑儻見分  
卜鄰擬住山之左  
客歸好語伸遠君  
歲晚寄書煩報我

題畫

明詩紀事卷二十八

三

山翠浮空初過雨  
山麓晴雲散芳渚  
霧合長林生曉寒  
人家更在林深處  
澗泉六月翻松根  
石洞千年隱仙侶  
有誰共奕橘中來  
無人問路桃源去  
白煙遮盡青林花  
野蕨嫩香應可茹  
清幽不減山之陰  
只欠蘭亭列觴俎  
誰乎寫此清而奇  
莽莽雲山入毫楮  
細看猶有遺恨處  
胡不著我山之墅  
我生本是邱壑姿  
誤落京塵幾寒暑  
小時畊牧峴山陽  
間從野人學種樹  
門前魚浦嘯竹禽  
屋上鶴巢走松鼠  
獨行採藥日暮歸  
纔得芝朮一斗許  
縱令服食不得仙  
何若長年藝禾黍  
小村秋晚雞正肥  
犬甕春浮酒新煮  
老翁醉舞兒子歌  
笑語諠譁忘賓主  
此樂不見十許年  
兵火煌煌照南楚  
思歸見畫萬感生  
悵望風帆橫浦激  
時清卽好謝官歸  
全家移向山中住

贈杭州包知事與直  
大府包從事才華早見收孤忠橫北斗清節照南州白雨江  
帆暮青楓水國秋向來憂世意惟有淚長流

窗燈

窗燈搖影細城柝報更遙白髮愁偏重丹心老未銷雲陰籠  
月薄秋氣挾霜驕歸思如江水滔滔逐暮潮  
讀賈誼王粲傳

白髮悲王粲青春羨賈生萬言詞慷慨一賦氣崢嶸弔屈心  
猶壯依劉恨未平懷賢坐長夜斜月半窗明  
龐村

野曠煙花白林深露草香雷聲送雨過山氣入雲長遠水鷗  
邊淨薰風馬上涼長亭無限好暫此解行裝  
明詩紀事卷二十八 四

秋日山行

林路鬱迢遙村行野興饒兩山青入屋一水白平橋掃石收  
松子畊煙種藥苗仙人王質輩應向此中樵

舟次松陵

客路幾時盡愁懷到處同斷帆衝暮雨短笛咽秋風水碧沙  
雲白山青柿葉紅莫言詩費日光動錦囊中

和友人韻 二首

亂臣傾廟社禍本久胚胎萬里金城壞平原鐵騎來人心今  
日異天意幾時迴痛哭英雄老淒涼卧草萊  
月黑妖星現雲紅戰火燃魯連終蹈海樂毅又辭燕痛哭懷



明主匡時倚大賢那堪頻眺望白雁落霜天  
宿嘉祕寺

寂寂青山寺千峯翠欲薰禪林黃葉落僧飯白猿分松磴吹  
晴雪柴扉鎖暮雲悟窮清淨理莫遣世人聞

山中值雨

風雨連天黑關河入望遙青山懷故國白首戀中朝小市河  
魚上殘城野火燒寄身岩壑裏生意日蕭條

和梅知府寄來詩韻

坐想親朋摧肺肝寄來尺素百迴看虛窗琴冊塵埃亂匹馬  
關山雨雪寒遊地十年頭欲白去家千里淚難乾酒壺爛熳  
堪謀醉強撥羈愁一盞歡

明詩紀事卷二十八

五

灤河

兩澗松聲琴築哀水邊亭子酒壺開千年海鶴遼東去萬里  
灤江天際來沙路連城白似雪山光過雨碧於苔夷齊餓死  
修名在凜凜清風被草萊

春日紀懷

平湖水碧動晴天獨樹花明簇煖烟小白肥鮮堪饌玉嫩黃  
新韭不論錢田園蕪沒從兒懶杯酒淋漓任客顛四海奔馳  
厭塵俗百年蕭散愛林泉

和周尹韻

雨餘秋水遶新軒心迹雙清好莫言松寺尋僧陪鶴侶茆陰  
對客數雞孫年光荏苒驚殘夢生事蕭條憶故園兵後故人

知好在那堪白首卧衡門

送翼主歸相州

千營兵氣黑沈沈關塞蕭條草木深  
虵伏黃嵩噓毒霧鬼吹青  
火出空林兒童老大不相識  
墟墓荒寒只自尋  
親在遠遊煩愛惜書來應抵萬南金

贈時中

白首相逢寥落中失聲一哭暮途窮  
霏霏江草愁邊綠寂寂宮花夢裏紅  
海微歸心懸夜月柴扉病骨卧秋風  
人情任逐東流水爛漫金樽莫放空

挽張及民先生

寂寞城南一畝宮百年遺響寄孤桐  
巢由杖屨雲山外陶阮

明詩紀事卷二十八

六

生涯酒榼中祠壁鬼燈然  
夜雨墓門翁仲嘯秋風  
招魂不隔蘆溝水淚灑霜林萬葉紅

題萬松金闕圖

袞冕曾迎鳳駕來煙沈金闕半蒿萊  
霞蒸日氣紅初上雲壓松陰黑半開  
玉井霆轟龍起蟄虛窗笙響鶴飛迴  
前朝事往雲無迹愁聽江聲入夜哀

山行

村村寺寺竹好水水山山路遙林鳥催  
人喚酒野色隨車過

橋

題垂虹亭壁

金樽綠酒蕩晴空花壓雙鬢舞袖紅  
莫唱何戡涓城曲銀箏



嗚咽怨秋風

秋聲

漠漠微雲生曉陰滿庭虛籟薄霜林有聲元在無聲裏聽到無聲思轉深

凌雲翰九首

雲翰字彥翀錢塘人元末舉浙江鄉試除平江路學正不赴洪武初以薦授成都教授有柘軒集四卷

四庫總目朱彝尊靜志居詩話稱雲翰學於陳象仲故其詩華而不為靡馳騁仲不離乎軌今案陳有文鳴於東南程以文聲譽與之伯仲柘軒汎埽程門獲承指授其里人夏節作雲翰行述亦云早遊彰南程以文之門是雲翰所師事者乃程以文而非陳旅諸家所記甚明彝尊之言未知何據至謂其五言如陪祭作七言如鬼獵圖才情奔放不可羈勒直可摹郁離之旗摩青邱之壘則品評頗當於雲翰非溢量也

明詩紀事卷二十八

題鍾馗圖

朔風吹沙目欲眯宮柳搖金梅綻藥終南進士倜然起帶束藍袍靴露趾手掣硬黃書一紙若曰上帝錫爾祉蝟磔于思含老齒頤指守門荼與壘肯放妖狐搵九尾一聲爆竹人盡靡明日春光萬餘里

歸田詩話鄉丈凌彥翀名雲翰號柘軒至正間以周易經與士衡叔祖同登浙省鄉榜授平江路學正以所赴石湖田園雜興詩一推留寄舍下訪叔祖不盡和及見大驚喜為作序文於前因是遂利目相視且嘆叔祖之不能盡知也繼以梅詞霜天曉角一百首依韻和就大加賞拔予見待每於諸長上前稱之亦容口喜後進之有人也洪武庚申冬為人題鍾馗圖

云云不數日爲鄉人官於外郡者飛舉里胥臨門不容辭避迫脅上路到京授四川學官遂成詩讖在任以乏貢舉謫南荒以卒歸骨西湖子送之葬有絕句云一去西川隔夜臺忍看白壁瘞蒼苔酒朋詩友凋零盡只有存齋冒雨來蓋感知已也

### 重過柳洲寺

買花載酒憶當年風景依稀最可憐彭澤有人歸粟里海波何處變桑田聯拳鷺立枯荷雨寂寞鴉棲古樹煙幾度湧金門外望居民猶說總宜船

### 雲門草堂爲徐彥鍾賦

雲門寺近若耶溪溪上人家雲半迷秋雨正愁茅屋破春星還傍草堂低白鴉谷遠松筠老碧藻坊深花柳齊何似南州徐孺子故居新壁待重題

### 明詩紀事卷二十八 八

### 江山圖爲傅德讓賦

江上愁心曾有賦煙江疊嶂偶成圖丹青自可追小李翰墨誰能繼大蘇野店山橋吟杖短桃花流水釣舟孤人生適志眞名語命駕歸來不爲鱸

### 梅花清夢爲沈士敬賦

香凝燕寢宵未分急雨打窗渾不聞美人憶在湘江水行路恍隔梨花雲殘燈紙帳尙知我落月屋梁疑見君西湖東閣兩奇絕眼中蝴蝶何紛紛

### 題畫 二首

山風吹瀑濺寒雲雞犬遙聞路不分松下仙翁清似鶴抱琴歸去禮茅君



欲向春山訪隱君野橋行過路纔分上方樓閣應無數留與閒僧管白雲

温日觀墨葡萄

風飄露灑一柳秋路入滄江憶舊遊憑仗金壺翻墨汁老禪胸次有涼州

宋授之遺墨

宋玉多才賦遠遊曾拈彩筆寫清秋西風吹斷南州夢翡翠蘭苔總是愁

鄭真 三首

真字千之鄞人洪武壬子鄉試第一授臨淮教諭秩滿入京遷廣信教授引年歸有滎陽外史集一百卷

明詩紀事卷二十八 九

四庫總目真與兄駒弟鳳竝以文學擅名真尤以古文著初與金華宋濂聲價相埒嘗與濂共作裴中著存堂記真文先成濂為之閣筆後濂致位通顯齟齬廊真偃蹇卑棲以學官沒世故聲華闕寂傳述者稀今觀所作雖不能與濂竝鶩詞壇而義有根柢詞有軌度與濂實可肩隨未可以名位之升沈定文章之優劣也  
李鄴嗣甬上善舊詩傳千之先生博極古今吳草廬嘗發策十二事對者十不得一先生年甚少為盡答之由是有重名嘗採摭鄉先生言行文章撰四明文獻錄後學稱之  
田按滎陽外史遂於經學以文名家詩亦清俊不愧雅音

送胡廷幹歸松江

謫鄉壠叡慰幽栖物外遊塵不上衣自有阮生青眼顧也如江總黑頭歸秋風東海蓴鱸熟晚日西園柿栗肥自此不須談作客白鷗應許共忘機

題五河安淮驛遠碧亭

淮山遠送一螺青，悄悄雲煙入杳冥。  
檐外竹風醒鶴夢，坐中花雨雜龍腥。  
佩聲雜遝天仙下，遂韻咿嗚水若聽。  
使者船稀官事少，石牀孤坐夜觀星。

許繼 十首

繼字士修，甯海人。洪武中台州訓導，有觀樂生集。

遜志齊集，士修詩，溫厚和平，歸乎至理，清雅俊潔，出平天趣。程邵之所存，陶謝之所達，沛乎其兩得之。田按：士修侯城畏友，為之序，其集銘其墓，所作觀樂九詩，宋景濂歎賞之，以為不愧古人。惜年三十七而卒，未見其止集中。五言趨步陶謝，胸次既高，非徒摹擬。

遺興

世道日云降，何人激頽流。於時競靡靡，去古良悠悠。鴻鶴有

明詩紀事卷二十八

十

高志一舉橫九州，籓籬自云廣。燕雀方啾啾。

夜坐

焚膏繼短晷，坐此寒夜深。不意片楮間，乃見古人心。曠懷浩四海，內視不滿襟。山空霜月白，猿鶴流清音。

夏日雜言 二首

炎暑寡出入，幽室常懷人。清風天外來，澹然成主賓。忘言自諸意，獨卧聊任真。誰謂羲皇世，乃屬柴桑民。

濯濯思去垢，不必江海流。君看一勺泉，淨涵千頃秋。炎風塵滿道，胡乃從遠遊。歸將散余髮，笑卧雲林幽。

四明山道中

山行入微逕，險絕不自安。始盤幽谷底，復出層巒巔。左倚千



似壁石瞰萬丈淵石棧翳雲木洞壑號風泉飛流從空來飄  
灑如雲煙下視不可極目眩心茫然仰茲名山秀靈境高中  
天虛明日月戶上與列宿連便當攬八荒恍惚候飛仙躋攀  
力雖倦曠望意乃宣夜寒山月白聊宿于公禪

高臺度桐岩嶺

鵬嘯山月落旅枕鄉夢返迂途謝平皋首路指崇巘石門天  
梯峻遙逐蒼崖轉谷樹碧雲深澗花紅露泣徘徊望故隱我  
行亦未遠風景豈不佳羈懷自難展

曾登夜宿淨土寺

月上山牖白風來石床冷山深氣如秋清景心獨領平生塵  
外意幸遇人事屏誰令墜迷途趨暄乃違靜猿鳴幽谷口鶴

明詩紀事卷二十八

十一

嘆古松頂勝境難復留晨征度雲嶺

且上山行憩林下人家

暫登山上岡復憩林下扉入林坐蒼石黃葉飄人衣窮秋野  
色改遙陰際寒暉悠悠嶺煙孤颺颺谷風悲情來欲何語興  
盡自言歸帶索老忽逢因思榮啟期

懷友

高臺多涼風朔氣橫暮雲黃金與時盡駿骨爲灰塵荒煙走  
狐兔落日蔽棘榛感慨百代下誰是悲歌人平沙漫浩浩黃  
流去法云遠遊諒已倦歸踏江南春

雪花寒不開庭雪曉還積江南十日春東風未相識蕭條新



柳枝清淺故池色日晏啟荆扉迢迢遲來客

郭濬 二首

濬字士淵霄海人洪武中國子監生有樗園稿

田按士淵宋景濬弟子侯城友也侯城之交林公輔也以上淵為介紹士淵嘗應詔言時政忤旨勅下國子監讀書同輩忌其名以譖死侯城祭士淵文云昔被薦書翔翔太學抗疏殿庭觀者瞻落微收其功先鏗其鋒斂而不施其聲愈揚自擬韓歐我程其文莫如京師閱天下士孰不奮翕筆在疑韓歐我程其文莫史好士無所不容獨奇子才稱之羣公予鮮朋友赤喜得子坐談千古大笑起舞意氣之盛自謂無儔仰首視天曠視九州況子於才可以用世非若文人僅名一藝天胡不然置子於毒因于讒構身死言辱眾實知之一時毀譽何足喜悲觀此文可以得士淵之生平矣

題天光雲影軒

明詩紀事卷二十八

七

軒居俯澄碧高人謝煩喧剌泉漱寒齒坐誦上世言意思絕機想理融淨塵根池樹忽微風天光蕩波痕至道諒斯著自足窈本原所以川上翁難與俗子論

題句容劉景行便面

山容變秋空夕氣暝高樹索寞故人居雲蘿更深處欲敘平生親何由拂衣去

劉剛 一首

剛字養浩義烏人

田按養浩宋景濂門人嘗作明鏡歌鼓吹曲杜叔循書之詞翰雙美蘇平仲跋云養浩文辭有名籍紳間而此十二曲材雜氣昌辭與事稱有古作者之風胡仲子跋云潛溪宋先生為宋鑄歌傳籍紳間以為度越羨夔可追比唐柳子厚今剛此歌篇次體製皆承子厚之舊而才氣橫發音節鏗錙則得之潛溪又



將追步其武而駸駸其前矣其爲老輩推重如此惜  
今不傳

### 鶴林詩

鶴林羽士金門客舊闢丹房鍊瓊液手栽千樹虬髯松坐對  
兩山虎頭石白雲晝靜豁巖扉溼翠滿階生紫芝瑤琴自奏  
潤湍響銀河直挂瀑泉飛鼎鑪存火烹鉛汞靈藥成苗幾時  
種皓鶴翎梳雪翳林碧桃花落霞飄洞琳宮紫闕想蓬萊登  
嶂連峰紫翠堆丹光穿壁如紅日應有仙人騎鶴來

### 錢岳一首

岳字孟安吳興人嘉縣丞

### 寄鐵崖先生

老仙才氣輕韓李流落江南道不窮野史欲藏神禹穴直書

### 明詩紀事卷二十八

三

曾上大明宮蘭舟夜蕩鷗邊月鐵笛秋橫鶴背風陶寫惟應  
賴詩酒薦賢何必效山公

### 劉渙六首

渙字彥亨紹興山陰人至正間授三茅書院山長道

梗不赴洪武中尙存

詩談會稽劉渙渙子績績子師邵金章紫綬祖孫相傳三世名家

田按彥亨貢南湖壻故詩品略相近

### 秋晚溪行懷張孔叔

松下涼風吹客衣隔溪煙樹晚依依山空不見孤雲返日落  
惟看倦鳥歸世上黃金交態薄酒邊白髮故人稀別來陡覺  
成疏闊况復蕭蕭落葉飛

送王廷桂還姑蘇

紫馬嬌嘶踏軟沙  
闔閩城裏客還家  
雨添秋水灣灣碧  
風趁江雲片片斜  
惜別緩斟紅麴酒  
傷心況對白蘋花  
雁驚暮角南飛去  
先帶離聲過館娃

初夏卽事

野色滿庭戶  
晝涼清景佳  
一雙白練帶  
飛上石榴花

清明前一日作

小窗新綠着枝輕  
寒逐東風陣陣生  
燕子不來花落盡  
一簾疏雨又清明

小游仙詞二首

玉京侍宴返瑤池  
西母金輿九鳳幃  
小隊旌幢三十六  
龍聲

明詩紀事卷二十八

古

馬影隔雲飛

絲女香衣結翠纓  
瑤笙學弄鳳凰聲  
玉樓徹夜無人瑣  
十二闌干月自明

袁宗彥二首

袁宗彥名宗以字行  
松江人  
洪武中官王府長史  
謫滇

有菊莊集

憶錢塘

十載飄零客路賒  
錢塘無復覩繁華  
六橋楊柳林逋墓  
一樹棠梨蘇小家  
山徑翠輿湖上出  
樓臺畫鼓月中撾  
如今縱有金如土  
坐聽荒城咽暮笳

春曉口占戲故鄉



東風翦柳柳毵毵欲試羅衣尙未堪怪我春來愁不醒杏花  
微雨似江南

明詩紀事卷二十八

五

香齋文集

香齋文集 卷之六 字行松江入洪武中官王府長史編

香齋集

香齋集 卷之六 字行松江入洪武中官王府長史編

香齋集 卷之六 字行松江入洪武中官王府長史編

香齋集 卷之六 字行松江入洪武中官王府長史編

香齋集 卷之六 字行松江入洪武中官王府長史編

明詩紀事卷二十九

字行福南人洪武辛亥舉人泉州同知

**甲籤**

林杏何期晉人高舉斷山玉殿兩巖巖

王諫一首

諫字元貞黃巖人洪武辛亥進士授戶部主事終太

平知府

公退述懷

華表僊人舊姓丁羽毛今日惜飄零眼中不見蓬萊淺門外

空憐柳樹青暮雨朝雲翻覆手落花飛絮短長亭如何旅店

黃梁飯催促英雄夢未醒

王敬中一首

明詩紀事卷二十九

王敬中鄞人洪武辛亥進士授刑部主事終參政

送友人赴廉州

烏府才華羨獨賢北風又上孝廉船篋書尚有陳琳檄行李

都無子敬擅帆影曉分湘浦月珮聲晴拂隱山煙壯遊萬里

須乘興好著聲名到日邊

林谷顯一首

谷顯長樂人洪武辛亥舉人官沔陽知州主事

西湖一首

極目睇西岑楓林杏何許暝色入高樓湖山正煙雨遙憐春

水至鳧雁滿芳渚少待風日佳扁舟共容與

馬德華一首



德華名英以字行福清人洪武辛亥舉人泉州同知

田按德華在明初有詩名徐泰明風雅錄德華詩不知其名余從徐興公晉安風雅得其詳

高子蜀山圖八首三首

翠壁蒼厓峭入天雨餘芳草帶春煙錦江東去夔門險劍閣西來鳥道懸丞相舊圖砂磧裏文翁遺廟夕陽前回看匹馬經行處似有猿聲到耳邊

黃雋一首

雋字文偉莆田人洪武乙丑進士授樂昌縣丞謫戍

以薦為興化訓導

黃巖琴蘭陔詩話黃雋號玩菜生學行醇粹家居綬溪詩得山水之助

題壺山別意圖送禮曹兄

明詩紀事卷二十九

二

征車不停轍逝水無迴波人生泛萍梗離別將奈何青山夕鳥遠碧樹晴雲多對此易感慨莫遣歌驪歌

張庭蘭一首

庭蘭澧州人洪武乙丑進士授審刑司詳議擢大理

寺少卿遷左都御史

龍門山

何年鑿此混沌胎赤鯉躍出龍門開千尺高崖宿牛斗一泓碧水藏風雷歛陽六月焦下土河伯飛來共龍語願將一滴瀉天瓢明日人間三尺雨

歐陽貞一首

貞字元春分宜人洪武初鄉舉授考城主簿以老歸

後登乙丑進士有龍江叢稿餘學初集貧樂集

江西詩徵元春揭傒斯門人工古文精易學

題贈一軒

十載追隨鴛鴦班九重宮闕拜龍顏歸來卻似香山老吟弄

寒流八節灘

任亨泰一首

亨泰字古雍襄陽人洪武戊辰第一人及第授修撰

歷少詹事擢禮部尚書以事降御史未幾免有遺稿

二卷

雙槐歲鈔洪武戊辰會試以蘇伯衡及李叔荆為考官得京闈新解首施顯為第一人謂傳臚必復叶上夢矣及取狀元乃監生任亨泰也寵遇特隆有旨命有司建狀元坊以旌之聖旨建坊自此始也亨泰

明詩紀事卷二十九

三

襄陽人為修撰每召建議即賜手詔書襄陽任而不名尋與黃子澄並拜詹事府少詹事仍兼修撰已而擢禮部尚書奉使交趾後左遷監察御史十三歲時嘗題扇面云早日初升萬木低畫船撐出小樓西先生正熟朝天夢門外山禽莫亂啼其貴達也人以此詩頌占之

舟次匡廬寄同朝諸公

翰墨同時集禁闈恩榮宵謂及寒微舍人舊掌絲綸誥御史

新裁錦繡衣天上駕鴻還接武江邊鷗鷺已忘機他年行部

如相見秋水蘆花是釣磯

陳時舉一首

時舉字邦獻上虞人洪武戊辰進士刑部員外郎

題春景

煖風沙路不生塵水色山光雨後春應是白雲深谷裏閉門



高卧有閒人

俞永一首

承初名允字嘉言松江華亭人洪武甲戌進士授行

人改楚府紀善遷魯山知縣入為禮部主事遷員外

郎謫長沙通判有春曹詩藁

主江府志嘉言少好學與袁海叟陶宗儀陸達夫陳  
松客伯仲結詩社呼為友其山居詩有池草生新  
句禽言得異名青蛇作龍匣底鳴翦取吳江千尺水  
達夫嘗稱之曰俞子穎秀咄咄逼人  
田按洪武癸酉侯城以漢中教授典譚京闈嘉言為  
所取士革除時族方氏渡海與史魏澤村侯城九家  
子德宗與台人余學蘊海華亭青村嘉言家  
嘉言妻以養女改姓余氏子孫蕃衍逮萬曆三十七  
年提學御史楊廷筠廉其事始復姓松人建正學祠  
以嘉言配食此可與嬰白存孤千古媲美矣

題倪雲林畫

明詩紀事卷二十九

四

青山隔橫塘疏樹散幽徑山中人未歸閒亭秋色暝

陳郊一首

郊字安仲一字叔恭閩縣人洪武丁丑第一人及第

授翰林院修撰

俞憲登科考洪武三十年丁丑廷對之士五十一人  
擢陳郊第一既而北方舉人下第言取士不公上閱  
所取多南士疑之詔考官劉三吾及郊等皆下獄命  
翰林儒臣重閱落卷得六十一人皆山東山西北平  
河南陝西四川士也郊閩人精數學就試之日謂所  
親曰今歲狀頭當刑奈何已而果然事得之聞父老  
云

題漁隱

投竿非取魚孤榜一乘興清風松際來落日烏邊暝坐對忘

機時波空釣絲冷

明詩紀事卷三十

鑑美言人使

貴陽陳田輯

甲籤

胡子祺一首

子祺名壽昌以字行吉水人洪武初以文學舉授監

察御史出為廣西按察僉事改知彭州遷延平知府

晚過湖口望廬山

西望匡廬隔水涯羣峯削翠出雲霞巖前瀑布千秋雪澗底

苜蒲九節花董奉宅邊丹井在康王谷口夕陽斜南湖咫尺

還鄉路卻歎經行不到家

宋杞一首

明詩紀事卷三十

宋杞字授之錢塘人舉至正壬寅鄉試洪武初以考禮

部廉選徵授全州知州未至道卒

田按授之與唐處敬同舉處敬稱授之通易邃史學

兼工畫處敬題所畫扇云六十無成白髮俄將紫

綬換青衫衡潭一去無消息襄骨歸來有阿咸十一

年前共榜名又同召命入南京只今零落丹青扇正

似山陽笛裏聲凌彥琳亦有題宋授之遺墨詩云宋

玉多才賦遠遊曾拈彩筆寫清秋西風吹斷南州夢

翡翠蘭茗總是愁

趙彥徵畫

遠山入空青老樹擎寸碧近山接平坡鑿鑿見白石兩山盡

處歧路平松林漠漠烟如織清溪疑自天目來鷗鷺飛起無

纖埃有人曳杖過溪去渡頭古屋誰為開玉堂學士畫家趣

蕭灑文孫傳筆意風塵滿眼何處避安得向此山中住



季應祈一首

應祈詩見慎蒙明詩雜集

小齋

蛛網挂空山雨晴溪頭水煖釣絲輕小齋無人白日靜卧聽

隔林雙鳥鳴

范宗暉二首

宗暉名以字行宵波人

田按錢仲益送宗暉赴雲南從軍詩云明年上京都聘戚里賓我亦被薦書謁選拜紫宸繆居容臺屬幸得聯朝紳與聞復聚首相見不隔旬夫何事難料告別何踈踐從軍赴滇陽西去逾峨岷宗暉蓋以戚里賓客牽連謫滇者沐景斷錄其詩入滄海遺珠

閒情

明詩紀事卷三十

二

齋居無俗尚自愛適幽情風定樹陰合雨餘泉脈清枕書雲伴卧步履鶴隨行曾與鄰翁約朝來共析醒

和僧中庭韻

平公卓錫滇海南出世有如優鉢曇庭前松柏曾手種堂下玉板容我參談禪直解心即佛從師獨見青出藍隨身一瓶與一鉢碧山為伴雲為菴

湖林林敏四首

敏字漢孟長樂人有青蘿集三卷

田按漢孟別號盤所道人林子羽詩弟子詩在二玄之上不入十子之列可謂不幸竹垞靜志居詩話謂闕十子外能詩者有林漢孟而詩綜不錄一字余亟錄四詩以補其缺

江上送鄭山人

祖帳送離人勞歌暮煙裏暝來江上宿殘日照寒水清尊醉  
落花孤棹依蘆葦雨翳燈影微風兼笛聲起後夜有相思緘  
書寄雙鯉

天王寺

珠宮隱上方載酒一乘輿雨歇瀑水涼雲歸古松暝忘機野  
禽狎發詠山鬼聽坐對月上時空山響煙磬

登宿雲臺得外字

香刹辭世氛況同野人會寒巖結暝陰古殿藏深翠目極遠  
空半興落飛鳥外日暮惜解攜相看嗒然喟

期宗人林大遊華藏海

巾舄行歌接梵筵偶來松下草芊芊也知只在秋雲裏潭水

明詩紀事卷三十

三

溪花到處禪

李伯葵二首

伯葵廬陵人有集

田按伯葵詩集楊東里序云嗶乎金石之和琚乎佩  
玉之清邈乎興寄之遠渾乎古意之存推挹甚至惜  
今不傳余從徐泰明風雅錄詩二首伯葵子昌祺爲  
永樂間名臣能詩信乎淵源之有自也

擬顧彥先贈婦

人生有離合日月有弦晦豈爲百年間如何長歡會與子相  
遇來私情託中饋旣感殷雷篇復陳雞鳴戒傾耳聆德音禮  
章素攸佩于茲遠行役結纓奉王事沈懽變憂戚哀鬱傷五  
內吳越旣阻修伊洛互縈帶漫漫雲山側杳杳川梁外絺綌  
淒以風軒車展其蓋離思云滯淫誰能不悲慨于役有歸期



芳年恐難待

代答

唯薦與女蘿施于松柏枝雖云異根植性合終不移託身在  
君室容德實我儀琴瑟日在御宴樂及良時方茲駕言邁  
車載驅馳豈無室家念君命安可違握手一長嘆淚盡情  
洵起視明星爛杳杳夜何其綢繆結衷曲豈復在斯須風塵  
徧京洛勿使素衣鐫委身殉國恩功成復來歸妾守甓獨志  
願保終惠期莫以容華晚恩愛爰色衰采葑及下體式副君  
子詩

劉仔肩 五首

仔肩字汝弼鄱陽人洪武初應召至京

明詩紀事卷三十

四

四庫總目雅頌正音五卷明劉仔肩編仔肩洪武初因  
薦應召至京集同時之詩為此書上自公卿下至納  
子凡五十餘人而仔肩所作亦附焉所選之詩每人  
寥寥數首蓋是時諸人之集皆未成編隨得隨錄故  
未能賅備然明初定文治專集行世者頗藉以略存  
梗概其時武功初定家無專興肩擬之雅頌固未  
免溢美要其春容諸婉雍雍乎開國之音存之亦足  
以見明初之風氣也

春日與李二文學游城南

浩蕩關河遠周流歲月新獨醒愁對酒多病怕逢春楊柳城  
南路鶯花紫陌塵若為聯騎出為爾謫仙人

公子

玉堂諸公子聯翩出鳳城柳橫絲障綠花擁繡衣明玉勒迴



新騎金丸落小鶯晚酣邀上客歌吹向蓬瀛

別墅晚晴

郊原初雨歇散步出荆扉落日在高樹涼風生客衣佛香僧舍近江影塞鴻飛亦有南鄰叟忘言相與歸

夜讌

上相勳庸盛羈人會合難昔曾陪劍戟今乃廁衣冠酒向佳人醉花隨錦障看篆香瑀鴨換銀甲小箏彈內屋開新色重簾護薄寒旨肴呈海陸妙舞播椒蘭賢達儕梁苑才華擬建安任情從客狎劇飲樂杯乾門第青春迴星河五夜闌歸鞍拂華薄零露已溥溥

荆南江晚眺有感

明詩紀事卷三十

五

沙頭寂寂晚維舟詞客重來感舊遊江上夕陽諸葛廟雨中芳草仲宣樓天連錦水來春色雲暗襄陵起暮愁回首可憐梁甫意一宮牢落向南州

許中麗一首

中麗字仲孚汝南人

田按仲孚輯光岳英華自一卷至三卷唐人詩四卷至十卷元人詩十一卷至十五卷明初詩王漁洋云此集有揭軌序云分律詩歌行凡若干首今本僅七言律無歌行或非完書矣然卷帙與焦太史國史經籍志合豈焦氏所據即此本而歌行久軼不傳耶自有宋歐梅蘇黃已後律詩多變體求其抑揚抗墜有唐人遺音者百無一焉許氏此編由極變而返之正不為無補未可盡廢而使無傳也今檢四庫存目亦十五卷與漁洋所見之本適合仲孚詩不多見特存其人以為好事者勸焉

丙辰冬過中京書事



鳳凰城闕紫霄間  
歷數有歸王氣還  
舊說圖書符洛邑  
新瞻玉帛會塗山  
太平有象耕桑盛  
邊奏無聞甲冑閒  
自古賢才躋盛美  
願歌天保答龍顏

顧田一首

田字九疇宵海人有耕雲集

田按九疇過規橋卽事詩老翁杖策秋樹根笑看見童拾紅葉殊有畫境

桃源夜坐思親

西風浙浙吹窗櫺  
中夜起聽心獨驚  
一葉兩葉梧桐落  
三聲四聲更鼓鳴  
玉露寒欺客衣薄  
冰壺冷浸秋月清  
我爲思親苦無寐  
孤吟坐待東方明

林原縉一首

明詩紀事卷三十

六

原縉字居恒太平人

三台詩錄林居恒詩酒優游不樂仕進與卬慎餘何東閣等九人會里之花山修白香山故事稱花山九老有唱和詩

遊花山分得日字

端居離垢氛  
頗覺飛興逸  
笑逐香山老  
來叩維摩室  
杖策徐徐行  
蘿逕深深入  
山僧留我坐  
烹葵事筵席  
世慮澹相忘  
塵囂詎能逼  
永結逍遙遊  
何妨效眞率

卬海一首

海字慎餘黃巖人

三台詩錄慎餘少年貢才喜俠遭亂避地往來九峯泉溪之間詩格老而益進與花山九老

赤壁磯阻雨

風雨晚來急長江生暮愁亂雲迷別浦駭浪蹴孤舟薄命常  
爲客羈懷不耐秋天涯思無限浩渺付滄洲

陳川 一首

川天台人詩見三台詩錄

米元暉茗溪春曉圖

扁舟昔過江南道兩槩吳歌弄春曉野水蘭荇月微低滄洲  
白蘋風不悄閣晴水氣盡冥冥破暝雞聲殊草草人煙蒼莽  
隔朝墟鷗夢微茫墮湖島輕花吹送客櫓遙羣鳥驚翻曙鐘  
早初陽忽露何處村曲折青林山寺小見圖歷歷舊所遊白  
髮摩挲愧幽討前身恐是杜牧之題詩解寫江南好

程用晦 一首

明詩紀事卷三十

七

程用晦字明遠休甯人明初以明經舉不就清隱藁  
吳和彥珍韻

閒來遙憶隱君鄉門擁荒山帶夕陽苔暈旋添蒼徑滑松陰  
時轉北風涼高懷君軼朱仁軌癡性予慙顧長康何日相從  
陪夜話石鱸湯沸紫茸香

劉琮玉 一首

米琮玉字潤芳鄱陽人有清華集

答陶友靜人 崑貝三台詩錄

寒山陶處士冰蘂自爲心石徑幽花瘦茅檐翠蔓深卧聽鶯  
囀樹閑數鵲歸林不到芝城久春來爲苦吟

風雨章詰 一首



詒字子愚新喻人有南閩山稿擊壤遺音江湖漁唱集

江西詩徵章詒號雲岑山人梁石門門人博學工詩絕意仕進

寄永豐習韶

長嘯空巖叟蕭條生意疏白頭淹筆硯青眼賴妻孥竹徑隨風掃蔬畦帶月鋤相知惟習老音問數年無

徐顒二首

顒字伯昂上虞人

野航

軒居瀟灑構來小望中艇子渾是眞任渠水長過三尺添箇客來容幾人興阻泛雪剡溪曲夢驚泊雨湘江濱宦遊誰道

明詩紀事卷三十

八

類萍梗暫托爲家棲此身

題山水畫

秋雨蒼苔路不分石林茅屋掩斜曛高人一去無消息依舊

青山護白雲

葛貞一首

貞字元良上虞人有悠然集

月夜寄友

淨雲淨虛碧涼月上東嶺散髮步南軒徐徐踏清影寒蟬動階除倦鳥投林暝感與時序遷日月不我永豈無嶧陽琴苦乏知音省題詩寄同心搔首空引領

舒壽童

一首

壽童字里未詳詩見黔甯集

獻西平侯詩

昭代挺英傑千載應昌期秉鉞清西南恩威浹羣夷濟濟旌  
旗明堂堂號令施清風滿遙甸生息皆清熙上副宸衷眷下  
慰飢渴思鄙人萬里來欣得瞻葆旗何以訢私懷拜手陳此  
辭

蕭規一首

規字元則其先楚人明初徙居吳江再徙蘇州有湖

山樵寓集

姑蘇志元則學長於春秋毛氏詩讀書樂道不求祿仕人稱竹園先生

雪篷圖為吳淞蔡子堅作

明詩紀事卷三十

九

吳榜何年過東浙帶得山陰一篷雪春風浩浩吹不消夜月  
娟娟照偏潔雪篷主人自好奇載客日遊隨所之呼酒恆持  
金鑿落對花自品玉參差啞柔槽渡湖曲驚起鴛鴦不成  
宿汎汎斜當橋樹移搖搖直傍屋檣逐權歌齊發聲抑揚高  
情獨睨水雲鄉從遊酬酢誰最密儒雅人稱馬季良

邢沂一首

沂字師魯金華人

田按沂一號雙巖處士洪武初應詔歸楊東里稱其詩思清氣完如歲寒松柏挺然蒼翠可玩

遊三洞

千盤百折行壑确十步一坐聽潺湲懸崖削碧一天豁古洞  
闕黑雙龍蟠雪竇流泉白石凍冰壺挂月清秋寒朝真仰探



指木末忽覺兩臂生羽翰

林右二首

右字公輔臨海人洪武中中書舍人進春坊大學士

以事謫中都教授有林公輔集三卷

田按公輔與侯城友善侯城懷舊詩云雄文不見林  
公輔病眼荒荒何處開侯城中亦有序侯城文推  
為豪傑之士先侯城仲張廷璧林山草堂記云夜登  
山之望子借葉夷仲張廷璧林山草堂記云夜登  
山絕頂飲酒望月縱談千古竟夕不眠謂葉君曰  
昔蘇子瞻夜登黃樓觀王定國諸公登山吹笛飲  
酒乘月而歸以為太無死諸君皆太為洪武十五年  
子瞻死三十年後所無也紀革除事者謂永  
侯城作記時正洪武二十九年也紀革除事者謂永  
樂時召公輔不赴械至京遭刺死者妄也公輔序許  
延慎詩云延慎在鳳陽時嘗讀杜詩忽然悟曰古人  
之高乃在是矣遂歛其平日所甚急火書所作感興  
年不作一詩一日呼童子研墨甚急大書所作感興

明詩紀事卷三十

十

詩極其宏壯時江西劉子憲以詩自負見而嘆之曰  
是子且來逼人矣後延慎與余相見秦淮上誦夢余  
詩云少時結交友悵悵長憶君何其夜來夢復接平  
生親握手步雲閣示我高世文渾雄脫凡近要孫幾  
通真余嘆曰吾豈文士也耶公輔推高中又有序孫惟  
公之學者孫惟學氏其詩迎視高公今延慎詩集不  
傳而孫惟學者知其名者鮮矣附記其敘論於此庶  
不沒文士之苦心也

琴操二首

雲間曹伯簡氏號曰古村民名其居曰古村居余作

二操以遺之風月清霽援琴而寫之庶乎其無懷

氏之鄉乎抑葛天氏之民乎書舍人歡春世大學士

朝出遊兮水滸采盈筐兮蘭杜振余佩兮續紛念夫人兮

古遵皇路兮怡怡笑舞何方變兮啟茲多戶歸來兮無失我



宇

月冷冷兮在牖步廣庭兮無聊慨往者兮不再拂吾琴兮聲  
颯颯際無始兮太羹元酒羌衆聲之雜遝兮於吾心其何有

胡温一首

温字遵道會稽人

林公輔集胡風子名温少落魄湖海閒晚入闕温好  
飲不常得人方具飲温少落魄湖海閒晚入闕温好  
醜不自笑夜宿古廟遇寒冬甚雪穿布單衣履草履人  
遺之以衣行未數步遇貧者即解與之嘗過元忠臣  
漳守迭里迷祠酌水而祭之曰解與之嘗過元忠臣  
死名長在此萬歲千秋元之忠臣子拜已大笑而出著  
書名曰竹帛流芳載元之忠臣子拜已大笑而出著  
故系之以詞類鏡歌輕重皆有深意温之爲人可知  
矣

喜鵲歌

明詩紀事卷三十

十一

閩山喜鵲少越山喜鵲多如何不歸去其如羅網何

林公輔集胡温聞漳帥徐玉喜土甚特過其家玉召  
飲同官卽令從者設饌以待已而温至或歌詩或起  
舞或慢罵其同官玉不厭也一日告玉曰我將歸矣  
負囊行三舍爲關者阻而回發囊中止有古硯歸諸  
所往來曰爾可與吾沽酒而死按温歌曰閩山喜鵲  
鶴一絕歌畢卽斂目仰卧而死按温歌曰閩山喜鵲  
少言閩中賢者少也越山喜鵲多言越中賢者多也  
如何不歸去其如羅網何言久留於此恐罹禍也

危德華

德華光澤人詩見明風雅

懷仙詞

玄都昔謁紫陽君夜讀丹書玉洞文春雪樓西坐明月鳳簫  
吹落萬松雲

黃裳二首



裴字仲裴文江人  
田按仲裴有寄黃玄之詩當亦洪武時人也詩見明風雅

秋夕寄懷異上人

老僧住處沃州山杖錫時獨往還身寄野雲淨世上心隨  
海月到人間草堂夜永禪俱寂竹院秋深鶴與閒更憶翻經  
雙樹下衲衣應染石苔斑  
南閩病中兼寄黃玄之  
水國南頭晝掩扉衰容垂柳共依依雁來高閣春歸盡雀下  
閒門客過稀對酒花枝隣獨卧盍簪芳草念多違憑君爲問  
清吟處何日相從賦采薇

周谷賓一首

明詩紀事卷三十

谷賓蘇州人

田按谷賓詩見明風雅鐵網珊瑚一作蘇州人一作雲間人余檢王琦寓圃雜記云吾鄉甫里周谷賓有學之士號一足自號跛樵則爲蘇州人明矣

水園與趙宗禮乞瓢

匏星墮地不化石生出大瓢奇絕倫癭形肖鶴引長頸枵腹  
類壺藏古春箕山曾遭許由棄陋巷卻與顏回親緣知溷落  
難爲用乞與甘貧飲水人

邵光祖一首

光祖字弘道蘇州人

秋興

牢落江湖不計年擬尋歸計面林泉山間買地多栽橘谷口

誅茅學種田晚節許同樵牧老遺書更得子孫傳秋來喚取  
陶彭澤紅葉黃花酒似川

游堅 一首

堅字文固閩人詩見晉安風雅

送蘇秀才

西風孤棹獨南還行李栖遲歲欲殘尊酒且同江上醉別情  
偏向客中難驛程露下砧聲早澤國秋深雁影寒歧路暫時  
分手去相逢期在白雲端

明詩紀事卷三十

七



